

## Verbâl de riunion dal Comitât Diretîf dai 14 di Jugn dal 2019

Clamât adun cun letare dai 24 di Mai dal 2019, prot. nr. 259/19, vinars ai 14 di Jugn dal 2019 aes cinc e mieze sore sere si à dât dongje a Udin, te sede di vie Manin 18, il Comitât Diretîf de Societât Filologjiche Furlane par discuti dal ordin dal dì metût ca sot:

1. Leture e aprovazion dai verbâi des ultimis riunions;
2. Modifichis dal Statût de Societât Filologjiche Furlane;
3. Modifichis dal Regolament pal ûs des imagjinis dal Archivi de Societât;
4. Deleghe di funzions ae Direzion;
5. Variis se a ond è.

*Ae clamade dal President Vicario a rispuindin i conseîrs:*

Carlton, Franco, Frisano, Janefli, Madriz, Medeossi, Mitri, Pagnucco, Pastres, Petris, Roncali, Sclippa, Tilatti, Venuti.

*Si son justificâts:*

Colussi, del Torre, Donada, Lorenzini, Perini, Pugnetti, Radivo, Zanello.

*No je:*

Cozzi.

Pont n. 1 dal o.d.d.:

*Leture e aprovazion dai verbâi des ultimis riunions*

Il Diretôr al da leture dai verbâi des riunions dai 22 di Fevrâr e dai 3 di Mai che a vegnin fats bogns ae unanimitât.

Il Diretôr al rimarche che di cumò indenant il verbâl de ultime riunion al vignarà mandât dutun cu la convocazion de riunion seguitive.

Pagnucco al interven par ricuardâ che lis richiestis che al veve formulât no àn vût rispueste.

Al interven ancje Sclippa che al evidenzie la necessitât di definî une linie editoriâl cun golainis e sieltis di fonde.

Janefli e propon che i tescj che a son esaurîts a puedin jessi cjariâts sul sît internet a disposizion par jessi discjamâts.

Il Comitât al fâs buine la propueste dal President che te prossime riunion dal Consei Gjenerâl a sedin nomenadis e metudis in vore lis comissions scuele, editorie e cors praticis.

Pont n. 2 dal o.d.d.:

*Modifichis dal Statût de Societât Filologjiche Furlane*

Il President al passe la peraule a Pagnucco che al ilustre lis modifichis dal Statût concuardadis dal grup di vore fat sù di pueste coordinât dal tesorîr del Torre.

Pagnucco al rimarche che al spietarà al nodâr valutâ e, se dal câs intervignî par predisponi il test definitîf dal Statût daûr di ce che e proviôt la normative (il Codiç dal Tierç Setôr).

Il Comitât Diretîf:

- al fâs buinis lis modifichis di Statût predisponudis dal grup di vore;
- al domande al nodâr di netâ il test dai rimants esplicits aes normis indulà che al è pussibil (par esempi articol 1 c. 2, e art. 12 u.c.).

Pont n. 3 dal o.d.d.:

*Modifichis dal Regolament pal ûs des imagjinis dal Archivi de Societât*

Il Diretôr al ilustre al Comitât lis modifichis dal regolament daûr des esigjencis che no jerin inmò regoladis.

Il Comitât Diretîf al fâs buine la propueste di modifiche ae unanimitât.

Pont n. 4 dal o.d.d.:

*Deleghe di funzions ae Direzion*

Il pont nol ven tratât e al ven rimandât daspò de aprovazion des modifichis dal Statût di bande de Assemblee.

Pont n. 5 dal o.d.d.:

*Variis*

Il President al inzorne il Comitât Diretîf sul program dal Centenari de Societât.

La riunion si siere a lis 18.50.

Il segretari verbalizant

Feliciano Medeot